

معلومة تاريخية

ظهور الصليب

✎ خدام مدرسة مار إفرام السرياني

درس طقس للأطفال (مرحلة حضنة): قصة ظهور الصليب



💡 المصدر: حلقة من برنامج (كان ياماكان) على قناة أغابي

قصة ظهور الصليب جميلة جداً و مهم نكون عارفينها ... تعالوا نشوفها من منهج طقس المدرسة ل KG1

❓ سؤال: هو بعد ما ربنا يسوع اتصلب، إيه اللي حصل للصليب نفسه؟؟

❓ الإجابة: فضل ماحدش لاقيه لحد ما جت ملكة عظيمة اسمها هيلانه و ابنها الملك قسطنطين ... لاقوه و عملوا كنيسة عظيمة ليه

👑 كان فيه زمان ملكة اسمها الملكة هيلانه ... باباها و مامتها كانوا مسيحيين و ربوها تربية مسيحية جميلة خالص و اتجوزت الملك قنسطنس و جابت ولد اسمه قسطنطين
👂 و في يوم و هي نايمة سمعت صوت بيقول لها:

روحي أورشليم و دوري كويس علي الصليب المقدس

+ راحت قالت لابنها قسطنطين علي اللي سمعته و هو قال لها

متخافيش هساعدك نلاقي الصليب



🗑️ و فضلوا يدوروا كتيبيير لغاية ما عرفوا إنه موجود تحت جبل كبير خالص من الزباله ...

🗑️ **فعملت ايه بقي ؟** جابت فلوس كتيبيير قوي و رمتها علي جبل الزباله فالناس و هي بتاخذ الفلوس كانت بتشيل معاها الزباله لغاية ما كل الزباله اتشالت

🗑️ **بس لقيت ايه بقي ؟** لقت 3 صلبان و عرفت ان 2 منهم بتوع الاتنين حرامية اللي اتصلبوا مع بابا يسوع و فضلت الملكة هيلانه تصلي كتيبيير علشان بابا يسوع يرشدها ل أنهي واحد الصليب المقدس

🗑️ لغاية ما لقت جنازة ماشية ف جريت بسرعة وقفتهم و حطت أول صليب علي الميت محصلش حاجة...حطت ثاني صليب برضه محصلش حاجة لكن أول ما حطت الصليب التالت الميت قام من الموت بقوة الصليب المقدس



🗑️ علشان كده الكنيسة بتحتفل بظهور الصليب المقدس يوم 17 توت

🗑️ و الملكة هيلانه اخدت الصليب و بنت كنيسة كبيرة و حطته فيها ... علشان كده الكنيسة بتحتفل مرة ثانية بتدشين كنيسة الصليب يوم 10 برمهات